

1. ხელშეკრულების მხარეები

ერთის მხრივ, შპს „თბილისერვის ჯგუფი“ (შემდგომში „შემსყიდველი“) წარმოდგენილი მისი დირექტორის რომეო მიქაუტაძის სახით, და მეორეს მხრივ, შპს „გეომეფი“ (შემდგომში „მიმწოდებელი“) წარმოდგენილი მისი დირექტორის დათა კვარაცხელიას სახით.

2. ხელშეკრულების საგანი

2.1 შემსყიდველის მიერ ჩატარებულ ელექტრონულ ტენდერში აუქციონის გარეშე (NAT210003462) გაიმარჯვა მიმწოდებლის სატენდერო წინადადება, რომლის თანახმად, მიმწოდებელმა აიღო ვალდებულება მიაწოდოს შემსყიდველს შპს „თბილისერვის ჯგუფი“-ს კუთვნილებაში არსებული შენობა ნაგებობების სარემონტო, სამშენებლო სარეაბილიტაციო (გარდა კულტურული ძეგლები (შენობა-ნაგებობები)) სამუშაოების საპროექტო-სახარჯთაღრიცხვო დოკუმენტაციის მომზადების, მომსახურება (CPV71320000 - საინჟინრო-საპროექტო მომსახურება);

2.2 ხელშეკრულებით გათვალისწინებული შესყიდვის ობიექტის სრული აღწერა, რაოდენობა, ერთეულის ფასი და ძირითადი მახასიათებლები მოცემულია დანართი N1-ში, რომელიც წარმოადგენს წინამდებარე ხელშეკრულების განუყოფელ ნაწილს;

3. ხელშეკრულების ღირებულება

3.1 შესასყიდი ობიექტის ფასი განისაზღვრება ეროვნულ ვალუტაში;

3.2 შესასყიდი საქონლის ღირებულება (შემდგომში „ხელშეკრულების ღირებულება“) შეადგენს **42 500.00** (ორმოცდაორი ათას ხუთასი ლარი და 00 თეთრი) ლარს დღგ-ს ჩათვლით;

4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ მოწოდებული შესყიდვის ობიექტი შეესაბამება ყველა მოქმედ თანამედროვე სტანდარტებს და ნორმებს, ხოლო რაოდენობა წინამდებარე ხელშეკრულების პირობებს;

4.2 მიმწოდებელი აცხადებს, რომ შესყიდვის ობიექტი არის უფლებრივად და ნივთობრივად უნაკლო და იღებს პასუხისმგებლობას მისი წარმოშობის კანონიერებაზე;

4.3 შესრულებული საპროექტო-სახარჯთაღრიცხვო დოკუმენტაციაზე ექსპერტიზის დადებითი დასკვნა გაცემულ უნდა იქნას სსიპ „ლევან სამხარაულის სახელობის ექსპერტიზის ეროვნული ბიურო“-ს ან სხვა აკრედიტირებული პირის მიერ;

5. შესყიდვის ობიექტის მიწოდების ვადა, ადგილი და პირობები

5.1 მომსახურების ანგარიში წარდგენილი უნდა იყოს წერილობითი სახით ქართულ ენაზე 4 (ოთხი) ეგზემპლარად ბეჭდური ვერსიის სახით, წარმოდგენილ მასალებს თან უნდა დაერთოს მათი ელექტრონული ვერსიები (ტექსტური ნაწილი Word და Excel ფაილების სახით, ხოლო ნახაზები - AutoCAD/ArchiCAD და PDF ფორმატებში). დეტალური საპროექტო-სახარჯთაღრიცხვო დოკუმენტაცია წარმოდგენილი უნდა იყოს ქართულ ენაზე, როგორც ელექტრონულ ფორმატში (ტექსტური ნაწილი Word და Excel ფაილების სახით, ხოლო ნახაზები - AutoCAD/ArchiCad და PDF ფორმატებში) კომპაქტური დისკებით (DVD სახით), ასევე ბეჭდური ვერსიის (A3 ფორმატში) სახით 4 (ოთხი) ეგზემპლარად ალბომის სახით. ხარჯთაღრიცხვა წარმოდგენილი უნდა იქნას რესურსული მეთოდით შედგენილი და ასევე გამარტივებული ვერსიის სახით, რომელშიც მითითებული იქნება „ტექნიკური რეგლამენტის - სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ“ საქართველოს მთავრობის 2014 წლის 14 იანვრის N55 დადგენილებით განსაზღვრული დარიცხვების პროცენტული მაჩვენებლები და ფორმულის საშუალებით გაანგარიშებული თანხის ოდენობა;

5.2 სამუშაოების მომსახურების შესრულების ვადა განისაზღვრება ეტაპობრივად, ხელშეკრულების გაფორმებიდან 2021 წლის 31 დეკემბრის ჩათვლით, მოთხოვნის შესაბამისად, მოთხოვნიდან არაუგვიანეს 20 კალენდარული დღის ვადაში;

5.3 საპროექტო დოკუმენტაციის მიწოდების ადგილი: ქ.თბილისი კახეთის გზატკეცილი #67;

5.4 შესყიდვის ობიექტის შესრულების ადგილი: ქ. თბილისის მასშტაბით;

6. შესასყიდი ობიექტის მიღება-ჩაბარების წესი

6.1 შემსყიდველის მიერ შესრულებულ სამუშაოზე მიღება-ჩაბარება განხორციელდება მიმწოდებლის მიერ შესრულებული სამუშაოების შესახებ წარმოდგენილი დადებითი საექსპერტო დასკვნის (რომელიც დაადასტურებს შესრულებული სამუშაოების შესაბამისობას სატ. დოკუმენტაციით მოთხოვნილ სამუშაოებთან) საფუძველზე. საექსპერტო დასკვნის წარმოდგენა უნდა მოხდეს სატენდერო დოკუმენტაციის 1.4 პუნქტით განსაზღვრულ ვადაში;

6.2 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.3 თუ აღმოჩნდება, რომ შესყიდვის საგანი უხარისხო ან ნაკლოვანია, მიმწოდებელი უზრუნველყოფს უხარისხო ან ნაკლოვანი საქონლის შეცვლას;

6.4 შესასყიდი ობიექტის მიღება-ჩაბარებაზე უფლებამოსილი პირები არიან შპს „თბილსერვის ჯგუფი“-ს ადმინისტრაციული დეპარტამენტის სამეურნეო უზრუნველყოფის სამსახურის უფლებამოსილი თანამშრომლები, რომლებიც მიღებას ახორციელებენ ინსპექტირების განმახორციელებელი პირების თანდასწრებით;

6.5 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

7. ანგარიშსწორება

7.1 შესასყიდი ობიექტის ღირებულება დაიფარება, მიღება-ჩაბარების (შესრულების) აქტის გაფორმებისა და ანგარიშ ფაქტურის გამოწერიდან 10 (ათი) სამუშაო დღის განმავლობაში, გარდა წინამდებარე ხელშეკრულების 7.2 პუნქტის შემთხვევისა;

7.2 თუ მიმწოდებელს ნაკისრი ვალდებულებების არაჯეროვნად შესრულების გამო დაეკისრება პირგასამტეხლო, ანაგირშსწორება განხორციელდება შემსყიდველისათვის პირგასამტეხლოს თანხის ჩარიცხვიდან 10 (ათი) სამუშაო დღის განმავლობაში;

7.3 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

8. მხარეთა უფლება-მოვალეობანი

8.1. „შემსყიდველი“ ვალდებულია:

8.1.1 ხელშეკრულებით გათვალისწინებული შესყიდვის ობიექტის მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

8.1.2 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ საქონლის ღირებულება;

8.2. „შემსყიდველს“ უფლება აქვს:

8.2.1 შეამოწმოს მიწოდებული შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4 მოსთხოვოს მიმწოდებელს ნაკლოვანი ან უხარისხო შესყიდვის ობიექტის შეცვლა ან ნაკლის აღმოფხვრა;

8.3. „მიმწოდებელი“ ვალდებულია:

- 8.3.1 დაიცვას ხელშეკრულებით გათვალისწინებული ყველა პირობა;
- 8.3.2 მიაწოდოს შემსყიდველს ამ ხელშეკრულების 2.1 მუხლში აღნიშნული საქონელი და მასთან დაკავშირებული დოკუმენტები საკუთრებაში;
- 8.3.3 ხელშეკრულებით გათვალისწინებული საქონლის მიწოდებისას საქმის კურსში ჩააყენოს „შემსყიდველი“ ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 საკუთარი ხარჯებით შეცვალოს შემსყიდველის მიერ გამოვლენილი უხარისხო საქონელი ან აღმოფხვრას არსებული ნაკლი;
- 8.4. „მიმწოდებელს“ უფლება აქვს:
- 8.4.1 მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;
- 8.4.2 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

9. ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო ხელშეკრულების ღირებულების 0.2 % ოდენობით;
- 9.2 იმ შემთხვევაში, თუ ხელშეკრულებით ნაკისრი ვალდებულებების შესრულებისათვის დაგვიანებული დღეების რაოდენობა გადააჭარბებს 10 (ათი) კალენდარულ დღეს შემსყიდველს უფლება აქვს ცალმხრივად შეწყვიტოს ხელშეკრულება;
- 9.3 ხელშეკრულებით ნაკისრი ვალდებულებების არასრულად ან არაჯეროვნად შესრულებისთვის მიმწოდებელი ჯარიმდება ხელშეკრულების ჯამური ღირებულების 5% –ის ოდენობით;
- 9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

10. ხელშეკრულების ინსპექტირების პირობები

- 10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;
- 10.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;
- 10.4 ხელშეკრულებით განსაზღვრული პირობების კონტროლს განახორციელებს შპს „თბილისერვის ჯგუფი“-ს ინსპექტირების დეპარტამენტის და ადმინისტრაციული დეპარტამენტის სამეურნეო უზრუნველყოფის სამსახურის უფლებამოსილი თანამშრომლები;
- 10.5 ინსპექტირება გულისხმობს „მიმწოდებლის“ მიერ ხელშეკრულების პირობების შესრულების კონტროლს ნებისმიერ ეტაპზე;

11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 მხარეთა შეთანხმებით;

11.4.4 საქართველოს კანონმდებლობით გათვალისწინებულ სხვა შემთხვევებში;

12. ხელშეკრულების პირობების გადასინჯვა

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „სახელმწიფო შესყიდვების განხორციელების წესის შესახებ“ დებულებით“ გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

14. ხელშეკრულების მოქმედების ვადა

14.1 ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2022 წლის 10 თებერვლის ჩათვლით;

15. დავები და მათი გადაწყვეტის წესი

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ “შემსყიდველი” და “მიმწოდებელი” მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით;

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს არანაირ სიტყვიერ დამატებას;

16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია ელექტრონული ფორმით, რომელსაც აქვს ელექტრონული ხელმოწერა როგორც შემსყიდველი, აგრეთვე მიმწოდებელი ორგანიზაციის მხრიდან;

16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;

16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას;

17. მხარეთა ხელმოწერები და რეკვიზიტები

„შემსყიდველი“

შპს „თბილსერვის ჯგუფი“

მის: ქ.თბილისი, კახეთის გზატკეცილი #67

ს/ნ 206267494

სს „ლიბერთი ბანკი“ ცენტრალური ფილიალი

კოდი: LBRTGE22

ანგ. N: GE90LB0113172770216000

დირექტორი
რომეო მიქაუტაძე

„მიმწოდებელი“

შპს „გეომეფი“

იურ.მის: ქ. სენაკი, რუსთაველის N227;

ს/ნ 215149177

მობ: +995 (32) 2424449; 595 383935;

ელ-ფოსტა: Datageomap@gmail.com

სს საქართველოს ბანკი

კოდი: BAGAGE22

ანგ. GE14BG0000000606734200

დირექტორი
დათა კვარაცხელია

№	სამუშაოს დასახელება	სამშენებლო სამუშაოების საორიენტაციო ღირებულება	საპროექტო ღირებულება %	ჯამი
1	არსებული შენობა ნაგებობების რეაბილიტაცია რეკონსტრუქცია – სრული საპროექტო-სახარჯთაღრიცხვო დოკუმენტაციის მომზადება (პროექტის შემადგენლობა: ხარჯთაღრიცხვა, სამუშაოს მოცულობათა უწყისი, არქიტექტურული ნაწილი, საინჟინრო ნაწილი, კონსტრუქციული ნაწილი და გეოლოგიასაჭიროებისამებრ) სახარჯთაღრიცხვო დოკუმენტაციის ექსპერტიზა;	2500000,00	0,85%	21250.00
2	შენობა ნაგებობების პროექტირება, შიდა ხაზობრივი ნაგებობების გათვალისწინებით, (პროექტის შემადგენლობა: ხარჯთაღრიცხვა, სამუშაოთა მოცულობის უწყისი, გეგმაგრაფიკი, არქიტექტურული ნაწილი, საინჟინრო ნაწილი, კონსტრუქციული ნაწილი, გეოლოგია) სახარჯთაღრიცხვო დოკუმენტაციის ექსპერტიზა;	2500000,00	0,85%	21250.00
	სულ ჯამი: დღგ-ს ჩათვლით			42 500.00

„შემსყიდველი“

დირექტორი

რომეო მიქაუტაძე

„მიმწოდებელი“

დირექტორი

დათა კვარაცხელია

ხელწერილი
ინტერესთა კონფლიქტის არარსებობის შესახებ

ქ. თბილისი

19.03.2021წელი

შპს „თბილსერვის ჯგუფის“ ინსპექტირების დეპარტამენტის უფროსი ვადასტურებ, რომ შპს „თბილსერვის ჯგუფი“-ს მიერ შპს „თბილსერვის ჯგუფი“-ს კუთვნილებაში არსებული შენობა ნაგებობების სარემონტო, სამშენებლო სარეაბილიტაციო (გარდა კულტურული ძეგლები (შენობა-ნაგებობები)) სამუშაოების საპროექტო-სახარჯთაღრიცხვო დოკუმენტაციის მომზადების, მომსახურების სახელმწიფო შესყიდვასთან დაკავშირებით 2021 წლის 19 მარტს შპს „გეომეფი“-თან ხელშეკრულების **N30-166** გაფორმებით, ჩემი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფები.

შპს „თბილსერვის ჯგუფის“ ინსპექტირების დეპარტამენტის უფროსი:

კახა სამუშია -----

